



## ACORDO DE COLABORACIÓN ENTRE A CONSELLERÍA DO MAR E A UNIVERSIDADE DE VIGO PARA O INTERCAMBIO DE INFORMACIÓN PARA INVESTIGACIÓN SOBRE A PESCA ARTESANAL EN GALICIA.

En Santiago de Compostela, a 10 de xuño de 2019

### REUNIDOS

Dunha parte, Dona Rosa María Quintana Carballo, conselleira do Mar, actuando en nome e representación da Consellería do Mar, a teor do disposto no artigo 34 da Lei 1/1983, do 22 de febreiro, de normas reguladoras da Xunta e da súa Presidencia, e en virtude do Decreto 88/2018, de 26 de setembro, polo que se establece a estrutura orgánica da Xunta de Galicia, (DOG núm. 185 do 27 de setembro), con enderezo no Edificio Administrativo de San Caetano, s/n, 15704 de Santiago de Compostela (A Coruña).

Doutra parte, don Manuel Joaquín Reigosa Roger, Reitor Magnífico da Universidade de Vigo, nomeado segundo o Decreto da Comunidade Autónoma de Galicia 59/2018, do 31 de maio, publicado no Diario Oficial de Galicia (DOG) nº 109, do 8 de xuño de 2018, de acordo coas competencias que lle outorga o artigo 20 da Lei orgánica 6/2001, do 21 de decembro, de Universidades, e o artigo 29 dos Estatutos da Universidade de Vigo, aprobados polo Decreto 13/2019, do 24 de xaneiro, e publicados no DOG nº 38, do 22 de febreiro do 2019. Con enderezo en Edificio Exeria, campus universitario, 36310 Vigo.

Os intervenientes, que actúan en razón dos seus respectivos cargos, recoñécense, mutua e reciprocamente, a capacidade legal necesaria para a formalización do presente acordo de colaboración e,

### EXPOÑEN

**PRIMEIRO.-** Que a Lei 14/2011, de 1 de xuño, da Ciencia, a Tecnoloxía e a Innovación, no seu artigo 34.1, establece que os axentes públicos do Sistema Español de Ciencia, Tecnoloxía e Innovación, incluídas ás Universidades públicas, os Organismos Públicos de Investigación da Administración Xeral do Estado, os organismos de investigación doutras Administracións Públicas, e os centros e institucións do Sistema Nacional de Saúde, poderán subscribir acordos e convenios de colaboración suxeitos ao dereito administrativo.

**SEGUNDO.-** Que, así mesmo, o devandito artigo 34.1 da citada Lei prevé que poderán celebrar estes acordos, os propios axentes públicos entre si, ou con axentes privados que realicen actividades de investigación científica e técnica, nacionais, supranacionais ou estranxeiros, para a realización conxunta das seguintes actividades: Proxectos e actuacións de investigación científica, desenvolvemento e innovación; creación ou financiamento de centros, institutos e unidades de investigación; financiamento de proxectos científico-técnicos singulares; formación de persoal científico e técnico; divulgación científica e tecnolóxica e uso compartido de inmoables, de instalacións e de medios materiais para o desenvolvemento de actividades de investigación científica, desenvolvemento e innovación.



**TERCEIRO.-** Que a conselleira do Mar forma parte da Consellería do Mar de acordo o Decreto 168/2015, do 13 de novembro, polo que se aproba a estrutura orgánica da Consellería do Mar, e ten conferidas as funcións sinaladas no artigo 3º do sinalado Decreto.

Que o Estatuto de Autonomía de Galicia, aprobado pola Lei Orgánica 1/1981, do 6 de abril, do Estatuto de Autonomía de Galicia (BOE núm. 101, do 28 de abril), nos seus artigos 27º e 28º atribúe á Comunidade Autónoma a competencia exclusiva en materia de pesca en augas interiores, marisqueo e acuicultura, así como a competencia para o desenvolvemento lexislativo e a execución da lexislación do Estado no ámbito da ordenación do sector pesqueiro, materializando así a facultade constitucional prevista nos artigos 148 e 149 da Constitución española.

O Decreto 168/2015, de 13 de novembro, polo que se aproba a estrutura orgánica da Consellería do Mar, (DOG núm. 221 de 19 de novembro), establece no seu Título I as competencias da Consellería do Mar de acordo co Estatuto de Autonomía de Galicia e segundo os termos sinalados pola Constitución Española.

No exercicio desas competencias, ditouse a Lei 11/2008, de 11 de decembro, de pesca de Galicia, modificada pola Lei 6/2009, de 11 de decembro, que no seu artigo 6º establece que a política da Administración autonómica terá como obxectivos, en relación coa conservación e a xestión dos recursos pesqueiros e marisqueiros-entre outros- os de establecemento e regulación de medidas dirixidas á conservación, xestión e explotación responsable, racional e sostible dos recursos mariños vivos,

Por outra banda, o artigo 27.19 do Estatuto de autonomía de Galicia atribúe a Galicia competencias plenas en materia de investigación, sen prexuízo do disposto no artigo 149.2 da Constitución.

**CUARTO.-** Que a Universidade de Vigo como institución de servizo público, está aberta á sociedade e ten, entre outros, como fins prioritarios, fomentar a investigación e difundir a cultura no seo da sociedade. Para o mellor cumprimento dos seus fins, a Universidade de Vigo manterá relacións con centros de investigacións e con institucións culturais e sociais, e impulsará a celebración de acordos de investigación con entidades e organismos públicos e privados, así como de contratos para a realización de traballos de carácter científico, técnico ou artístico.

**QUINTO.-** Que o Grupo de Investigación Future Oceans Lab (FOL) da Universidade de Vigo dirixido pola Dra. Elena Ojea Fernández-Colmeiro ten entre as súas principais liñas de investigación o entendemento dos sistemas socio-ecolóxicos mariños para unha mellor comprensión da xestión das pesquerías e lograr así unha xestión sostible dos recursos pesqueiros, buscando solucións para a súa adaptación ao cambio climático.

Para elo, desenvolve ciencia innovadora con alto impacto internacional, tanto para o avance científico como para a súa integración nas políticas de xestión, traballando en diferentes áreas xeográficas e colaborando con investigadores de grupos internacionais. Na actualidade FOL, entre outros proxectos, desenvolve un proxecto colaborativo financiado pola Organización das Nacións Unidas para Alimentación (Food and Agriculture Organization ), de aquí en adiante FAO. Este proxecto é coordinado por Elena Ojea e FOL a nivel español, dentro do marco internacional que é coordinado pola FAO xunto coa Universidade de Duke (Estados Unidos) e WorldFish titulado, "*Illuminating Hidden Harvests: Case study on small-scale fisheries in Spain-IHH-Spain*".



Entre os obxectivos do proxecto está coñecer a contribución da pesca artesanal ao desenvolvemento sostible. A finalidade é identificar as contribucións sociais, ambientais, económicas e de gobernabilidade da pesca artesanal a escala local e global, para comprender os factores claves do cambio nestes sectores, incluíndo as ameazas e as oportunidades.

**SEXTO.-** Que para consolidar a investigación do grupo de investigación FOL no sistema pesqueiro en Galicia, para desenvolver con éxito os obxectivos do proxecto da FAO IHH-Spain en Galicia, e para reverter os resultados da investigación na comunidade pesqueira da comunidade Galega, ambas institucións determinan subscribir o presente acordo que se rexerá polas seguintes

## CLÁUSULAS

### PRIMEIRA.-Obxecto do acordo de colaboración e finalidade

É obxecto do presente acordo establecer as condicións polas que se rexerá a colaboración entre a Consellería do Mar e o grupo FOL para o intercambio dos datos necesarios sobre a pesca artesanal en Galicia, incluíndo as características da flota así coma diversos datos medioambientais, económicos e sociais (recollidos no Anexo I e que en ningún caso terán carácter persoal), para a realización de tarefas de investigación sobre a contribución social, ambiental e económicas da pesca a pequena escala en Galicia, e o conseguinte intercambio de información entre ambas entidades para o estudo científico. Toda a información recollida que sexa enviada á FAO, organismo coordinador do proxecto, será compartida polo grupo FOL coa Secretaría Xeral Técnica da Consellería do Mar. , a Dirección Xeral de Pesca, Acuicultura e Innovación Tecnolóxica e coa Dirección Xeral de Desenvolvemento Pesqueiro

Co fin de acadar os obxectivos do presente acordo os asinantes colaborarán en todo momento conforme a os principios de boa fe e eficacia, para que os traballos obxecto deste convenio poidan ser realizados con éxito e asegurar unha correcta execución do pactado.

### SEGUNDA.- Duración e prórroga

O presente acordo entrará en vigor ao día seguinte da súa sinatura e terá unha duración dun ano. As partes poderán acordar a súa prórroga expresa antes da finalización do anterior prazo e por unha duración igual ou inferior á que se pactou inicialmente (1 ano), salvo comunicación expresa en contrario con 30 días de antelación a data de remate.

### TERCEIRA.- Responsables do traballo e comisión de seguimento

Por parte da Universidade de Vigo serán responsables das actividades obxecto do presente acordo, D<sup>a</sup> Elena Ojea Fernández-Colmeiro, Investigadora ERC que asistirá as reunións necesarias para o desenvolvemento da acción de investigación e o contacto coa administración, e elaborar informes de solicitude de datos e resultados obtidos.







Por parte da Consellería do Mar, as persoas titulares das subdireccións xerais de Pesca e Mercados da Pesca e Investigación e Apoio Científico-técnico da Consellería do Mar serán as persoas encargadas de compilar e compartir os datos e de recibir o traballo feito pola Universidade de Vigo.

Tales responsables do traballo constituirán a comisión de seguimento, que vixiará e controlará o cumprimento do acordo e resolverá os problemas de interpretación, reuníndose cunha periodicidade cuatrimestral.

#### **CUARTA.-Presentación de resultados e informes**

Os responsables da Universidade de Vigo enviarán as comunicacións pertinentes sobre os resultados ás persoas titulares das subdireccións xerais de Pesca e Mercados da Pesca e Investigación e Apoio Científico-técnico da Consellería do Mar coma persoas responsables para a recepción do informe final que será remitido polo grupo FOL á FAO cos datos solicitados.

#### **QUINTA.- Propiedade dos datos e da difusión dos resultados**

A Consellería do Mar e a Universidade de Vigo manterán a confidencialidade sobre calquera información relativa aos resultados, sempre que non sexa de dominio público, non desvelándoa de ningún xeito sen autorización expresa da outra parte e non utilizándoa para calquera outro propósito que non sexa o expresamente permitido polo presente acordo.

O tratamento dos datos por parte do grupo de investigación FOL será con fines unicamente científicos e dentro do grupo de investigación.

Os resultados obtidos en ningún caso revelarán información privada, estratéxica ou comprometida para a Consellería do Mar. Se os resultados obtidos foran susceptibles de provocar un impacto non desexable se trataría de evitar dito compromiso e no caso de non ser posible chegaríase a un acordo coa Consellería do Mar.

A propiedade e utilización científica dos datos obtidos a partir das experiencias desenvolvidas no proxecto e os resultados finais da investigación serán exercidas conxuntamente pola Consellería do Mar e a Universidade de Vigo, tal e como se recolle nos artigos 53 e seguintes da Lei de Economía Sustentable do 4 de marzo de 2011. Ambas as partes, unha vez executadas as investigacións descritas, se comprometen a intercambiar o material científico e os coñecementos obtidos, así como a publicar conxuntamente os resultados da investigación obxecto do convenio.

Neste sentido, cando se realice calquera tipo de comunicación ou divulgación dos resultados, xa sexa parcial ou total, farase mención explícita ao feito de que os datos obtidos a partir das experiencias desenvolvidas na acción de investigación e os resultados das análises son froito do presente acordo de colaboración.



#### **SEXTA.- Do dereito moral dos investigadores**

Na publicación, no seu caso, dos resultados da acción de investigación deberán respectarse os dereitos dos membros do equipo de investigación, en especial o dereito para ser designados como inventores ou autores.

Cando unha das partes desexe utilizar, en parte ou na súa totalidade dita información para a súa publicación como artigo, conferencia, etc. deberá solicitar a conformidade á outra parte por escrito que, a súa vez, deberá responder nun prazo máximo de trinta (30) días. Transcorrido o devandito prazo sen obter resposta, considerarase que a parte correspondente autoriza a utilización da devandita información.

As publicacións deberán recoñecer e facer constar a participación de todos os investigadores que interviñeron no seu desenvolvemento, así como a súa pertenza ás institucións de que dependen.

No suposto de resultados susceptibles de protección así como de explotación, as partes, nun prazo máximo de tres (3) meses a partir da súa obtención, comprométense a subscribir un documento no que se determinará a titularidade dos dereitos de propiedade industrial e as condicións da súa explotación.

En calquera caso ambas entidades poderán facer uso dos coñecementos adquiridos durante a realización da acción de investigación en actividades propias da súa función investigadora.

#### **SÉTIMA.- Autorización para a publicación dos datos dos asinantes no portal de transparencia**

Consonte ao establecido nos artigos 12 a 16 da Lei 19/2013, de 9 de decembro, de transparencia, acceso á información pública e bo goberno en concordancia cos artigos 24 e 25 da Lei 1/2016, do 18 de xaneiro, de transparencia e bo goberno, os asinantes outorgan o seu consentimento para que os datos persoais que constan no convenio e mais no resto das especificacións contidas no mesmo poidan ser publicadas no Portal de Transparencia e Goberno Aberto.

#### **OITAVA.- Modificación, denuncia e resolución do convenio**

Se no desenvolvemento das actividades obxecto deste acordo aparecen circunstancias que aconsellasen a súa modificación, esta poderá ser aprobada pola persoa titular da Consellería do Mar previa solicitude e xustificación da proposta, sempre que dita modificación teña a conformidade do coordinador do acordo.

O incumprimento por calquera das dúas partes das obrigas contraídas no presente acordo, facultará á outra para rescindir o mesmo, quedando automaticamente anulados todos os dereitos correspondentes sobre o obxecto da investigación.

O acordo poderá ser denunciado polas partes, cun aviso previo de dous meses. Neste caso continuaránse as actividades que se estean realizando ata a súa finalización, non podendo iniciarse ningunha desde a notificación do aviso previo.

**NOVENA.- Xurisdición**

En caso de controversia sobre a interpretación das cláusulas deste acordo, estas resolveranse no seo da Comisión de seguimento mencionada na cláusula TERCEIRA. En caso de persistir o conflito este resolverase perante a xurisdición contencioso-administrativa.

**DÉCIMA.- Natureza e carácter do acordo de colaboración**

O presente acordo de colaboración ten carácter administrativo rexéndose os seus efectos polo establecido nas cláusulas do mesmo e no seu defecto pola normativa xeral que lle sexa de aplicación e, en concreto, a Lei de réxime xurídico do sector público e a Lei de contratos do sector público.

E para que así conste para os efectos oportunos, en proba de conformidade, as partes asinan o presente documento, por duplicado e a un só efecto e tenor, no lugar e data indicados no encabezamento.



**POLA CONSELLERÍA DO MAR**



**Asdo. Rosa Mª Quintana Carballo**



**POLA UNIVERSIDADE DE VIGO**



**Asdo. Manuel Joaquín Reigosa Roger**



## ANEXO I

FAO – Illuminating Hidden Harvest Spain

### GUÍA METODOLÓXICA PARA A PESCA ARTESANAL EN GALICIA - INFORMACIÓN NECESARIA

#### Nivel de desagregación:

- **POR PORTO PESQUEIRO**
- **POR ARTE DE PESCA:** como mínimo separar entre 4 tipos: 1-artes menores, 2-cerco, 3-palangre (fondo e superficie) e 4-arrastre. Sendo ideal si se puidera saber que tipo de artes menores: nasa, enmalle, rastro, anzois,...
- **COBERTURA TEMPORAL DOS DATOS:** a información necesítase agregada de maneira anual para o ano mais recente posible, salvo no caso das capturas (volume e valor) que se requiren os últimos 5 anos (2014-2015)


#### Datos a recoller:

##### • Características da flota:

- número de barcos total
- tamaño de barcos: número de barcos por eslora e/ou tamaños con porcentaxe de barcos.
- potencia da flota: número de barcos por niveis de potencia e/ou niveis de potencia con porcentaxe de barcos.
- capacidade da flota: tonelaxe por tamaño
- tecnoloxía: arte de pesca mecanizado ou a mano, compartimento refrixerado ou só xeo.
- tripulación: número de tripulantes por cada tamaño/tipo de barco, estimacións dispoñibles no seu caso.

##### • Datos Medioambientais:

- capturas anuais: volume e valor (€) **por especie e arte de pesca**. Identificar si se trata de artesanal ou industrial, e incluír ambas.
- consumo das capturas: o peso destinado a consumo humano vs pensos (en porcentaxe).
- Destino: o peso comercializado localmente/nacionalmente vs exportado (en porcentaxe).
- Stock status: estado das poboacións (sobre-explotado, MSY, ...?), ou no seu caso se hai ou non hai stock assessments.



- Esfuerzo de pesca: número de barcos que operan ao ano, días de pesca, número de mariscadores, etc.

- **Datos Económicos:**

- empregos: número de empregados nas actividades de:
  - o **Pre-harvest:** construción de barcos e artes de pesca, reparación de redes, preparación de carnada, etc.
  - o **Harvest:** empregados na operación de pesca per se (i.e. pescadores).
  - o **Post-harvest:** empregados en labores de descarga do pescado e almacenaxe, transporte, procesado, enlatado, comercialización, etc.
- Inversións das administracións públicas: axudas para a reconversión flota, axudas para instalacións, lonxas, traballadores das confrarías (administrativos, biólogos, vixilancia).
- Costes: coste do buque, redes, motor, operación pesqueira (carnada, xeo, fuel, etc.), salarios pescadores.

- **Datos Sociais:**

- ingresos económicos dos traballadores en pesca: salarios medios por tipo de barco
- grao dependencia da pesca: pescadores/as con dedicación única a pesca, número de membros da familia dedicados a pesca,...

- **Datos de Gobernanza:** acordos institucionais para xestionar a pesqueira.

- Dereitos de acceso: TURFs (dereitos de uso territorial), licencias, TACs, Acceso aberto, etc.
- Liderado
- Participación na toma de decisións: co-xestión, autonómica, central, etc.
- Limitacións por esforzo e/ou capturas.

